

«БЕКІТЕМІН»

«Дарын» республикалық
өбдәтін практикалық
орталығының директоры



Қ. Тұрсынов

2024 ж.

«КЕЛІСІЛДІ»

Ұлт басқарушысының білім
басшысының м.а.



М. Туребеков

2024 ж.

Қ. Сәтбаев атындағы 9-11 сынып оқушыларына арналған химия пәні бойынша республикалық олимпиаданы өткізу ережесі

1. Жалпы ереже

1. Қ. Сәтбаев атындағы химия пәнінен республикалық олимпиаданы (бұдан әрі - Олимпиада) ұйымдастыру және өткізу қағидалары жалпы орта білім беру бағдарламаларын іске асыратын республиканың білім беру ұйымдарының 9-11 сынып оқушыларының арасында республикалық олимпиаданы ұйымдастыру және өткізу тәртібін айқындайды.

2. Олимпиаданың мақсаты мен міндеті: дарынды балаларды анықтау және қолдау, теориялық білім мен практикалық дағдыларды тереңдету, оқушылардың химияны оқуға қызығушылығын арттыру.

3. Ұйымдастыру комитеті:

1) осы белгіленген Ережемен Олимпиаданы өткізуді бақылайды;

2) Олимпиадаға басшылықты жүзеге асырады;

3) Олимпиаданы өткізудің қажетті ғылыми-әдістемелік деңгейін қамтамасыз ету үшін химия пәні бойынша комиссия құрады.

4. Олимпиаданың қазылар алқасының құрамына төраға және қазылар алқасының мүшелері кіреді. Химиядан қазылар алқасы мүшелерінің саны тақ санды құрайды (кемінде 7 адам).

5. Қазылар алқасының құрамына жоғары оқу орындарының оқытушылары, әдіскерлер, тәжірибелі мұғалімдер және басқару органдарының өкілдері, сондай-ақ республикалық және халықаралық олимпиадалардың бірнеше дүркін жеңімпаздары кіруі мүмкін. Оқушылары олимпиадаға қатысатын мұғалімдер қазылар алқасының құрамына енбейді.

6. Олимпиаданың қазылар алқасының төрағасы:

1) Олимпиада тапсырмаларының соңғы нұсқасын әзірлейді және жасайды;

2) ұсынылатын Олимпиада тапсырмаларының деңгейіне, осы кезеңінің талаптарына, дұрыстығы мен сәйкестігіне, сондай-ақ қазақ тілінен орыс тіліне немесе орыс тілінен қазақ тіліне дәлме-дәл аудармасының түпнұсқалығына жауап береді;

3) тиісті кезеңдер өткізілгенге дейін тапсырмалардың құпиялылығы үшін академиялық адалдықты сақтайды;

4) қазылар алқасының химия пәнінен олимпиада регламентін әзірлеу бойынша жұмысын ұйымдастырады (турлардың саны мен бағыты, әрбір турдың ұзақтығы, тапсырмалардың орындалуын бағалау критерийлері бойынша ұсыныстар).

7. Олимпиаданың қазылар алқасы:

1) тапсырмаларды орындауды бағалау критерийлерін бекітеді, жұмыстарды тексереді және бағалайды, қатысушылардың жұмыстарын тексеру нәтижелерімен таныстырады;

2) қатысушылардың жұмыстарын бағалаудағы даулы мәселелерді талқылайды және қажет болған жағдайда тиісті түзетулер енгізеді;

3) жеңімпаздарды анықтайды және олардың тізімін бекітуге ұсынады;

4) Олимпиада қатысушыларына орындалған тапсырмалардың түсіндірмесін (қажет болған жағдайда) жүргізеді.

2. Олимпиаданы ұйымдастыру және өткізу тәртібі

8. Олимпиаданы 9-11 сынып оқушыларының арасында жалпы орта білім беру бағдарламалары бойынша білім беруді басқарушы тиісті органдары өткізеді:

- Олимпиадаға жалпы білім беретін пәндер бойынша 9-11 сынып оқушыларына арналған республикалық олимпиаданың республикалық және облыстық кезеңінің және 7-8 сынып оқушыларына арналған республикалық жасөспірімдер олимпиадасының республикалық және облыстық кезеңінің жеңімпаздары (3 қатысушыдан артық емес) қатысады.

9. Олимпиада қатысушыларына кітаптарды, ұялы телефондарды, шпаргалкаларды және т.б. көмек құралдарды пайдалануға тиым салынады.

10. Олимпиада кезінде тәртіп сақтау және кейбір ағымдағы мәселелермен (сұрақ туғанда қазылар алқасының мүшелерін шақыру, қатысушыларды дәретханаға алып бару және т.б.) айналысатын кезекшілерді шақыртуға рұқсат етіледі.

11. Облыстық, Астана, Алматы және Шымкент қалалық білім басқармалары, «Назарбаев Зияткерлік мектептері» ДББҰ, республикалық білім беру ұйымдары «Дарын» РҒПО-ға құрамында 3 адамнан тұратын (әр сыныптан 1 оқушы) командалардың қатысуына өтінімдерді ағымдағы оқу жылының 10 қазанына дейін жібереді.

3. Қорытынды

12. Олимпиаданың жеңімпаздары мен жүлдегерлері Қазақстан Республикасының Оқу-ағарту министрлігінің I, II және III дәрежелі дипломдарымен марапатталады. Жеңімпаздардың саны қатысушылардың жалпы санының 45 пайызын құрайды. Олимпиаданың I, II және III дәрежелі дипломдар саны мына үйлесімділікпен айқындалады: III дәрежелі дипломдармен жеңімпаздардың 50%, II дәрежелі дипломдармен 30%, I дәрежелі дипломдармен 20 % марапатталады.

13. Егер Олимпиаданың екі қатысушысы бірдей балл жинаса, онда екі қатысушыға да бірдей дипломдар беріледі.